







遜志齋文集存



流而不可止者勢也習而不可變者俗也與勢俱往與俗同波者衆人也知勢俗之所趨而能確然以聖賢自守不浸淫於其中者君子也非惟不為勢俗之所浸淫而吾一言一行之所達天下之勢皆隨以定天下之俗皆隨以化譬若烈風震雷鼓撼上下無大不摧無幽不入雖有強梗自撓亦安焉委靡於其下此非聖賢豪傑之士不能當周之末孔子之徒已沒揚墨之說



盛行於天下孟子慨然於布衣中修明仁義之  
道而楊墨之說以廢孟子以來更歷秦漢既遭  
坑焚之禍天下學者不見全經而老佛之徒唱  
為私說鼓舞天下天下之人皆相與師而尊之  
曰此當今之聖人也使三綱淪而九法斃其害  
有甚於楊墨者雖以韓文公之雄才竟不能為  
天下變至宋程朱諸子者出一掃陋習頓回天  
下於大道之中天下之人幡然而改曰吾道固  
在是也然後老佛之說為無用嗚呼當其肆為

邪說乘吾道之無人戕賊其間根蟠枝散固植  
人心漫不可拔天不生程朱於天下則天下之  
人終日昧々如瞽者之宵行何由睹青天而見  
白日也哉故曰能定天下之勢化天下之俗非  
聖賢豪傑之士不能也有如雲之舟方能適無  
涯之海有烏獲之力方能負千鈞之重有天下  
之才方能剖天下之事才不足於天下而欲剖  
天下之事猶乘小舟以適海驅羸夫以負重不  
待識者皆知其不可也是故不患天下之勢不



我定天下之俗不我化惟患我無蓋天下之學  
耳彼郭林宗王導之徒屑衣冠之間猶能使  
天下之人効之况吾佩服聖賢之學而謂天下  
之勢不我定天下之俗不我變哉惜乎當今之  
學者則異於是况聞前朝之故習竊成說為文  
辭雜老佛為博學志氣汙下議論卑淺齷齪然  
無復有大人君子之態吾友方若希直奮然而  
起曰是豈足以為學不以伊周之心事其君賊  
其君者也不以孔孟之學為學賊其身者也發

願

言持論一本於至理合乎天道自程朱以來未  
始見也天下有志之士莫不高其言論將盡棄  
其所學而從之嗚呼豈非豪傑之所用心也哉  
常士世生豪傑之士不多見而於吾希直見之  
又豈非吾之愿也哉希直之文吾評之矣譬若  
春氣方至真液之色充滿廣宇飛潛動植之物  
各有生意天下之人莫不信之此特其一事耳  
要其大者不在此也雖然文所以達志也不觀  
其文何以知其志之所存余故又序其文云



洪武三十年秋八月

同郡友人林右撰

葉一休集

遜志齋彙序

天之生斯可也。又必生聖賢焉。以統歸以裁其  
有餘以補其不足。必使闇者資之。以懦者藉之。  
強然後天地位。而萬物育也。然而伊周孔孟之  
徒不世出者。非天之惡生聖賢也。蓋聖賢者靈  
和純粹之氣之所鍾。實未易逢也。苟生矣。則將  
行道於當世。垂訓於方來。雖其一身之微。其功  
已被於世之遠矣。夫萬世之後。有讀伊周孔孟  
之書而慕效之者。可不謂之高傑之士乎。澄然

鐘

遠



聖賢任道之心雖一而行道之勢則不同伊尹  
周公何志而見於功業孔子孟子不得時而托  
於空言其事雖殊要其歸則一也後之學者不  
察其心而雜焉二端專功業多則低立言者為  
空文務立言者則謂必藉是以明道傳習之久  
而獎金甚嗚呼世有不惑於衆人而敢力行之  
功者其殆有志於聖賢者歟天台方君希直夙  
精純之資修端潔之行考其學術皆非法俗所  
可及其言功業則以伊尹為準語道德則以孔

孟為宗會其通而不沈於一志乎大而不局於  
小實有志於聖賢者也嗟乎聖賢之不存久矣  
斯道之微若晨星之在太空光彩不耀者數千  
百年至宋諸大儒出始續其不傳之緒而繼之  
然後學者有所宗師今去宋又二三百有年矣斯  
道之晦亦久矣夫以斯道而望後人者亦甚  
矣方君以出類之才如此其責必有在矣而君  
又烏可自不力也紳不叙章泰同門之友於君  
之志竊有與聞焉故特著其說於文藁之首。



金華王師仲潘序  
洪武三十年冬十一月

遜志齋集目錄

卷之一

雜

幼儀雜箴 二十首

家人箴 二十五首

四憂箴

勵志箴

擇交箴

九箴 有序

卷之二

雜誡 三十八章

學箴 九首

克畏箴

毀譽箴

箴 四首

慎齋箴



雜著

宗儀 九首

省躬殿銘

毀譽

明辨

慎獨齋銘

寧野軒銘

鄉原

學辨

卷之三

雜著

釋統 三首

深慮論 十首

君量

後正統論

君學

君職

治要

醫原

卷之四

雜著

官政

成化

正俗

正服

溪喻

啓惑

吳士

民政

明教

重爵祿

指喻

斥妄

越巫

言命



卷之五

雜著

蚊對

雜問

周官二首

檀弓

武王伐誅

卷之六

雜著

有子

公子對

鼻對

辨疑三首

周禮辨疑一首

西伯伐崇

畢命

鬻拳

鄭靈公

樂毅

東漢

姜敬

丙吉

嚴子陵

崔寔

條侯傳

云敞贊

馬融

諸君子贊 并序

豫讓

漢章帝

魯參

黃霸

竇武

霍光

田疇贊

袁安卧雪贊八

楊喬贊



孔璋贊

卷之七

雜著

諸葛孔明

諸葛誕

晉論

梁武帝

周齊之事

王彪之

唐

龐統

許劭

司馬孚

魏孝文

袁粲

蘇威

唐高祖

郭子儀

唐莊宗

尚友五贊序

卷之八

雜著

三賢贊

蜀三守贊

李太白贊

白鹿洞觀贊

讀三墳

讀汲冢書

蕭僕贊

杜士賢贊

讀夏小正

讀司馬法

讀司馬法

讀司馬法



讀三畧

讀子華子

讀曾子

讀荀子

讀孫子

讀吳子

讀慎子

讀公孫龍子

讀尹文子

讀鄧析子

讀尉繚子

讀戰國策

讀呂氏春秋

讀法言

讀風俗通

讀鹽鉄論

讀荀悅中監

讀崔豹古今註

讀博物志

讀聲隅子

讀朱子感興詩

讀陳全甫上孝宗四書

卷之九

雜著

題大學正文後

題正統論後

題王右軍帖後

題蕭翼歸蘭亭圖二首

題褚遂良書唐文皇帝哀冊墨蹟

題受禪碑後

書漢三王策文後

書黃鶴樓卷後

題朱子手帖

題桐廬二孫先生墓文後

題朱氏山水圖

題子昂千文帖



香蘭亭墨本後

題浦江合溪黃氏家藏顏魯公石刻

題和齋圖  
題中孝宗題橙花詩後

題韓幹馬圖  
題聽琴軒記文後

題劉養浩所製本朝鏡歌後

題賜宋惲頌魯公多寶塔碑後  
題六素子墓銘後

老人星贊  
畫馬圖贊

南稜先生贊  
黃氏三壽圖贊

葉友直贊  
吳學士贊

劉廷修贊  
俞博士贊

歸田贊  
畫梅贊

楊先生贊  
宋仲珩贊

王仲措贊  
朱方中贊

扇贊  
寫好義作樛木贊

南齋小像贊  
葉用賓贊

卷之十  
雜著

題神異經  
題元諸儒帖

題羅陵子墓碣  
題韓奕壽藏



題許士修詩

題積善堂

題鄭叔致字辭

題宋舍人篆書

題宋舍人草書

題仲珩草書

題管說後

題手帖後

題漢波子傳

題李質文序後

題陳如婦傳後

題會稽張處士墓銘

題李喬佔畢

題楊先生墓銘

題楊氏賜笏記

書壽朴堂記

書夷山藁序後

書浦江二義門倡和詩後

題靈隱寺碑後

跋劉大誥命後

跋劉府君墓碣

試筆說

畏說

習菴說

友松說

文會說

建祖祠疏

卷之十一

雜著

郊祀頌

凝命神寶頌

私謚議

蔣氏異瓜辨

陳野翁字說

蔣伯字字說

王子文字解

王溫子栗字說



鄭叔度字說

戴樂和之字說

鄭氏四子加冠祝辭

籀天文

譚伯牙文

告風伯文

里社祈晴文

王氏兄弟字說

傅氏字說

黃仲晦字說

釋思詞

吊茂陵文

告佑順侯文

卷之十二

雜著

祭宋太史公文七首

祭郭士淵文

祭許士修文

祭吳樗庵文

祭胡仲申文

祭王博士文

祭戴先生文

童言胡先生文

祭王學士文

祭宋仲珩文

東陽葛府君誄

吳氏二賢母哀詞

絕命詞

鄭生祐哀詞

祭外舅鄭公文

祭趙希顏文

祭童伯礼文

問題三首

卷之十三



序

周禮考次目錄序

篆書考正辨偽序

迎養詩序

蘇太史文集序

王氏深溪集序

觀樂生詩集序

雷峯樵隱序

贈鄭顯則序

贈林公輔序

送周宗傳序

送太學生趙孝先序

贈盧信道序

贈周履素序

贈王仲縉序

送李宗魯序

送陳達莊序

趙彥殊序

基命錄序

衛氏紫薇詩序

卷之十四

序

應天府鄉試小錄序

京闈小錄後序

湯氏望雲圖序

送河南湯僉事序

贈河南王僉事序

送周景琰入試序

御贈方指揮五花石馬詩序

童氏族譜序

葛氏族譜序

謝氏族譜序

張彥輝文集序

鄭貞孝先生文集序



梅隱詩序

溪上會飲序

宋氏世譜序

溪亭聯句序

非子醫書序

卷之十五

序

贈吳仲實序

送平原亮序

先太守文集序

合溪會飲詩後序

送劉君序

劉氏詩序

徐氏譜序

宋氏傳芳錄序

曹氏家乘序

送凌君入太學序

贈劉君序

華川集後序

豐湖書室序

送梁宏省親序

送孔教諭往曲阜謁墓序

宗忠簡公奏疏序

吳氏宗譜序

呂氏孝感詩序

贈郭士淵序

送金文舉序

送祝彥方致仕序

送危泰生序

贈王叔暘之遵化主簿任序

送嘉祥知縣葉孔昭朝覲還任序

卷之十六



序

宋學士文粹序

鄭允文字序

黃仲儀仲顏字序

送龔負外序

送盧尚聚序

送宋伴讀序

送盧邦鎮訓導之鎮江序

送徐僉事序

白鹿子文集序

送楊宣尉序

送解元振序

自警編序

蜀鑑序

蜀漢本末序

蒲鞞詩序

范氏族譜序

卷之十七

序

京闈小錄後序

閱耕軒詩序

贈邵真齋序

丁氏復姓序

送樓君士連謁選入京序

時習齋詩序

仕學規範序

義門詩序

養素齋詩序

樓氏宗譜序

送石末常僉事序

張氏思親畝詩序

望雲圖序



卷之十八

記

中山草堂記

樂壽堂記

問月樓記

存養軒記

南齋記

學孔齋記

石鏡精舍記

天台陳氏先祠記

貧樂窩記

長嘯軒記

味菜軒記

正誼齋記

懶齋記

默菴記

藏器軒記

崎亭記

卷之十九

記

龜岩隱居記

希董堂記

菊趣軒記

蘿月山房記

桂軒記

默山精舍記

傳經齋記

好古齋記

遊清泉水記

直內齋記

後樂堂記

孝思堂記

宜隱軒記

全樂齋記

集義齋記

尚友齋記



學士亭記

藏用齋記

種學齋記

茹荼齋記

默齋記

卷之二十

記

適意齋記

餘慶堂記

仙溪霞隱記

後樂齋記

益齋記

思孝堂記

訥齋記

宋氏為善堂記

見山堂記

靜齋記

梅所記

尊聞齋記

卷之二十一

壽善堂記

孝友菴記

任重齋記

借心軒記

崇溪書舍記

綠疇軒記

時敬菴記

卷之二十一

記

草心堂記

艾菴記

尚志齋記

野清軒記

來鶴亭記

望雲亭記



君子齋記

慈竹軒記

企高軒記

心遠軒記

會文軒記

慎齋記

鱗航軒記

卷之二十二

卷素齋記

卧雲樓記

御恩齋記

自備思永堂記

復齋記

御文府記

息耕亭記

讀書齋記

懋富記

與舒先生書

與友人論并田書

答王冲縉書

答俞敬德書

與葉夷仲書

與士修書

上胡先生書

答劉子傳書

與郭士淵書

答林子山書

與葛誠夫書

與鄭叔度書

卷之二十三

書

謝大史公書

與采苓子書



與樓書

答錢界二秀才書

寄徐教授書

與鄭仲辯書

與王微仲書

與友人書

與童伯和書

答俞子巖書

與朱伯清書

與蘇編脩書

答許廷慎書

答劉養浩書

與俞教授書

卷之二十四

書

答王秀才書

答俞景文書

答王修德書

與趙伯欽書

與潘擇可先生書

答張廷璧書

答陳元采書

與金景文書

答林嘉猷書

與陳敬齋書

復鄭好義書

與陳用中書

與盧編修書

答胡心秀才書

答黃希范書

答閩鄉葉教諭書

卷之二十五

碑誌



梅長者祠堂碑

閔王廟碑

成都杜先生草堂碑

宋處士碑

許士修墓志銘

盧處士墓表

王處士墓志銘

信國公神道碑

處士鄭公壙志

王處士墓表

張處士墓銘

楊處士墓銘

駙馬郭公壙志

胡夫人墓碣銘

鄭處士墓表

陳仲昭墓銘

俞先生墓表

卷之二十六

碑誌

宋仲珪墓志

宋仲珩壙志

宋子畏壙志

樓君墓銘

采苓鄭處士墓碣

參議鄭公墓表

貞義處士鄭君墓表

嚴夫人墓銘

鄭君妻洪氏墓銘

鄭處士墓碣銘

黃處士妻墓銘

金陵王處士墓銘

曹處士墓碣銘

吳處士墓表

曹府君墓志銘

王國祥墓碣



楊夫人墓志銘

處士金君妻墓銘

陳先生墓碣

郭君壙志

林君墓表

卷之二十七

狀傳

常山教諭王府君行狀

先府君行狀

象山王府君行狀

員外郎瞿府君行狀

大司農張公行狀

觀樂生傳

張孟兼傳

詹鼎傳

葉伯巨鄭士利傳

大咲生傳

杜居士傳

友應傳

王進德傳

溪漁子傳

歐傳

童賢母傳

婦傳

卷二十八

四言詩

蜀府敬儀齋

讀書齋

五言古詩

閑居感懷 十七首

勉學詩 二十四章

王仲紹感懷韻 十七首

追次朱子春懷詩韻



舟中呈同召諸先生 上巳約友登南樓

次前韻 再次前韻

送叔貞之成都 送鄭公智之成都

遣意呈同學諸君子

京府徵考試繼奉蜀殿下命述事奉獻

休日奉蜀府諸公宴集

蜀府過... 教諭次韻叙德言懷

賜宴浣花新建草堂感息懷古 奉次蜀殿下簡其命錄詩 送謝生回奉寄政陽公

發廢城過七盤嶺宿獨架橋閣上

過漢陽 過寧陵縣學作

葺書齋舊門扇 感橙樹有作

栽栢 新栢為敬蔓所纏

喜修德汝器二君子備嘉猷秀才至 二首

次鄭好義見貽韻 五首 石鏡精舍同士友翫月

題山水 楊柳渡

宿夾江寺 二虫吟 進次文公先生韻 二首

郭西精舍士友同宿 歲除祭先奉懷家兄次文公先生韻

遊石鏡山訪親友會集諸公回途有作



再次石鏡精舍會集韻 三首

病眼喜郡守見過 題信可時經歷屢帛圖

奉懷太史公韻 鄰父携酒相飲 敬次張南軒韻送董公

二禽詠 應教恭賦靜妙軒詩

題童賢母老後 齋殿觀書承賜文嘉勞賦詩以抒下情

次淵明韻奉蜀殿下 宋五公詩

訊瘡

卷之二十九

五言古詩

次修德雜詩韻 三首 初冬雨中獨坐

贈林嘉猷 四首 次韻贈國亮經歷

雜詩四首 次修德寄詩韻

再和并簡林嘉猷 次蜀王韻送宗一和尚

家兄寄中秋會飲詩因分韻述懷以答

寄好義先生

七言古詩

失硯歎 覽二友和東坡喜雨之作

蜀殿下賜行厨酒膳奉謝一首

渡淮後寄宗文先輩 書錢氏家山圖



潼關

題巖子陵

題王節婦

寫懷

肩

題萬間堂

許氏龜岩行

赤壁

次鄭好義紀夢韻有引

題李白觀瀑布圖

慶壽題松月圖

次河南府梅花堂韻

蕨萁行

木綿花歌

送劉士端歸括蒼

題王叔明墨竹

題李白對月飲圖

卷之三十

五言律詩

懿文皇太子輓詩十章送盧信道漢中點兵

弔李白

寄貧

紅酒歌

題南屏對雪圖

淮陰

滄浪趣為趙孝先題

蜀道易有序

為玉泉山人題

寄修德友兄

楊節婦

食羊虎肉

江山万里圖

海米行

東河驛值雪次茅長史韻

徽宗花鳥圖

聞鶻

愛日堂



題萬間室 二首

送友人之雲南教官

次韵寄鄭好義 四首有引 歲暮寄王修德先生 二首

宜隱兄同還精舍 五首 次韵荅錢文學 二首

題畫 二首 寄童伯礼 二首

催菊 代菊荅

過北山翁 二首 送鄭履順 二首

峨眉縣晚發次韵 謝群公送別 二首

道中過盧先生 春和 五首

蜀殿下撫問賜藥 六首 寄蘇平仲先生 四首

二十九日 三首 遣病 十首

童景純來 二首 贈鮑民瞻

五言排律 五首

哭吳樗庵先生 五十韻

次危紀善五十韻 倍成千字 獻蜀殿下

七言律詩

山中對景書懷 宿峯頂次濟定韻

登歸雲寺閣 木皮嶺

鰲山 宿新津宝花寺

送友人 送吳主簿

次韻贈方員岩山人 次韻况調弟希政 二首



人日從蜀王登萬歲山次東坡咏雲韻六首  
贈韓敏道先生赴石挽徐節婦

七言排律

次韻留別陳季明先生

五言絕句

枯木扇圖寄許士修

虎圖

題山水

寫扇面山水

題曹娥江

題竹月圖送六學生歸省

病中逢除夕

五首

六言絕句

題畫

牧牛

七言絕句

二月十四日書事二首  
試院偶題

別母舅哭外舅鄭公

無題三首

題漢中二寺佛故光

寫畫梅

竹

題東坡畫竹

班竹圖

馬

荷花渚禽

題山水

彭山道中

題扇

百雀圖

義之籠鵝圖



修德先生寄惠枯木小幅并詩留別奉荅四首

題山水隱者 買臣妻墓

壽湖州李子賢 夜度桑州嶺

談詩 五首 書事

次韻寫懷會叔貞之成都書以識別 十七首

閩角 感舊 八首

鄭義門 王節婦

立春偶題 二首 覽陳先生和諸詩戲題

遊峨眉山紀行 十首 次前韻述事言懷 十首

新歲洛陽遇張公 感舊 士修慈德

奉試靈芝甘露論作 題南屏對雲圖

次韻奉謝蜀殿下六首 侍蜀世子奉獻蜀殿下十首

中秋舟中對月 聞廬原質中探花寄之

送龔給事歸省 二首 扇面梅花

遜志齋集目錄終



談詩 五首

書事

次韻真懷會亦貞之成都書以誌別

問角

感舊

遊巖山事數首

感舊

中興舟中懷月

聞重泉實中縣次寄之

次韻奉撫廣興可六首 對雁世七奉補廣興可十首

奉陪靈芝寺觀鐘石 觀石辨機靈圖

遜志齋集卷之一

雜著

幼儀雜箴二十首有序

雜箴序

道之於事無乎不在古之人自少至長於其所處皆致謹焉而不敢忽故行跪揖拜飲食言動有其則喜怒好惡憂樂取予有其度或銘于盤盂或書于紳笏所以養其心志約其形体者至詳密矣其進於道也豈不易哉後世教無其法學失其本學者汨於名勢之慕利祿之誘內無所養外無所約而人之成德者難矣予病乎此也蓋久欲自其





近而易行者為學而未能因列所當勉之且為箴揭于左  
右以攻已闕由乎近而至乎遠蓋始諸此非謂足以盡乎  
自修之事也

坐箴

維坐容背欲直。貌端莊手拱臆。仰為驕俯為戚。毋箕以踞  
歌以側。堅靜若山乃恒德。

立箴

足之比也如植。手之恭也如翼。其中也敬而外也直。不為  
物遷進退可式。將有立乎聖賢之域。

行箴

步履欲重容止欲舒。周旋遲速與仁義俱。行不畔乎仁義  
是為坦途。

寢箴

形倦於晝夜以息之寧。心定氣勿妄有思。偃勿如伏仰勿  
如尸。安養厥德。万化之基。

揖箴

張拱而前肅以紆敬。上手宜徐視瞻必定。勿游以傲勿佻  
以輕。遠耻辱於人。動必以正。

拜箴

古拜有九。今存其一。數之多寡。尊卑以秩。宜多而寡。倨以



取禍宜寡而多為諂為阿以禮制事不爽其宜

食箴

珍腴之慚不若藜藿之甘萬鍾之尸居不若金庾之有為  
苟無待於富貴夫孰得而貧賤之噫

飲箴

酒之為患俾謹者荒俾莊者狂俾貴者賤而存者亡有家  
有國尚慎其防

言箴

發乎口為臧為否加乎人為喜為嗔用乎世為成為敗傳  
乎書為賢為愚嗚呼其發也可不慎乎

動箴

吾形也人吾性也天不天之祇而人之隨徇人而忘反不  
棄其天而淪於禽獸也幾希

咲箴

中之喜咲勿啓齒見其異勿侮以戲內既病乎德外為禍  
階抵掌絕纓匪優則俳

喜箴

得乎道而喜其喜為已得乎欲而喜悲可立俟惟道之務  
惟欲之去類孟之樂反身則至

怒箴

楚大若兵如荷  
玉使遠于馳之  
劫諸般兵資至  
百斤車馬十載  
浮于危仰天大  
哭冠纓去空徒

居一本無



世人於怒傷暴與遽切齒攘袂不審厥慮聖賢不然以道為度揆道酬物已則無與暴遽是懲聖賢是師顏之好學自此而推

憂箴

惰學與德汝日戚也憂為有益名位不先惟日憂傷汝志則荒棄其所當憂而憂其不必憂世之人皆然汝孰憂哉勉於自脩

好箴

物有可好汝勿好之德有可好汝則效之賤物而貴德孰謂道遠將允蹈之

惡箴

見人不善莫不知惡已有不善安之不顧人之惡惡心與汝同汝惡不改人寧汝容惡已所可惡德乃日新已無不善斯能惡人

取箴

非吾義錙銖勿視義之得千駟無愧物有多寡義無不存畏非義如毒螫養氣之門

與箴

有以處已有以處人彼受為義吾施為仁義之不圖陷人為利私惠雖勞非仁者事當其可與万金与之義所不宜



毫髮拒之

誦箴

誦其言思其義存諸心見乎事以敬畜德以靜養志日化  
歲加山立川駛聖道卓然焉敢不至

書箴

德有餘者其藝必精藝本於德無為而名惟藝之務德則  
不至苟極其精世不之貴故書不美自視則羞德不若人  
乃不知憂先乎其大後乎其細大或可傳人不汝棄

雜誠三十八章

人孰為重身為重身孰為大大學為大天命之全天爵之貴

備乎心身不亦重乎不學則夷乎物學則可以守身可以  
治民可以立教學不亦大乎學者聖人所以助乎天也天  
設其倫非學莫能教人有恒紀非學莫能序故賢者由學  
以明不賢者廢學以昏大匠成室材木盈前程度去取沛  
然不亂者繩墨素定也君子臨事而不眩制變而不擾者  
非學安能定其心哉學者君子之繩墨也治天下如一室  
發乎心見乎事出而不置煩而不紊不學者其猶盲乎手  
揣足行物至而莫之應

右第一章

治人之身不若治其心也使人畏威不若使人畏義也治



身則畏威治心則畏義畏義者其於不善不禁而莫能為  
畏威者禁之而莫敢為不敢之與不能何啻陵谷

右第二章

養身莫先於飲食養心莫要於禮樂人未嘗一日舍飲食  
何獨於禮樂而棄之乎尊所賤而卑所貴失莫甚焉

右第三章

學術之微四蠹害之也文姦言撫近事窺伺時勢趨便投  
隙以貴富為志此謂利祿之蠹耳剽口術詭色淫辭非聖  
賢而自立果敢大言以高人而不顧理之是非是謂務名  
之蠹鈞撫成說務合上古毀訾先儒以謂莫我及也更為

異我以惑學者是謂訓詁之蠹不知道德之旨雕飾綴  
以為新奇鉅齒刺古以為簡古於世無所加益是謂文辭  
之蠹四者交作而聖人之學亡矣必也本諸身見諸政教  
可以成物者其惟聖人之學乎去聖道而不循而惟蠹之  
歸甚哉其惑也

右第四章

為政有三曰知體稽古審時缺一焉非政也何謂知體自  
大臣至胥吏皆有體違之則為罔先王之治法詳矣不稽  
其得失而肆行之則為野時相遠也事相懸也不審其當  
而惟古之拘則為罔惟豪傑之士智周乎人情才達乎事



為故行而不罔不野不固

右第五章

古之仕者將以及物今之仕者將以適己及物而仕樂也適己而棄民耻也與其貴而耻孰若賤而樂故君子難仕

右第六章

古之治具五政也教也禮也樂也刑罰也今亡其四而存其末欲治功之逮古其能乎哉不復古之道而望古之治猶陶瓦而望其成鼎也

右第七章

定天下之爭者其惟井田乎拜天下之暴者其惟比閭族

鄰之法乎有恒分而知恒道奚由亂

右第八章

三代之化民也周而神後世之禁民也嚴而拙不知其拙也而以古為迂執迂也哉

右第九章

化於未萌之謂神止於未為之謂明禁於已著之謂察亂而後制之謂瞽秦漢之治其瞽也與不師古而瞽之師孰謂之非瞽也

右第十章

貧國有四而凶荒不與焉聚斂之臣貴則國貧勲戚任子



則國貧上好征伐則國貧賂賄行于下則國貧富國有四而理財不與焉政平刑簡也民樂地闢也上下相親也昭儉而尚德也此富國之本也

右第十一章

國不患乎無積而患無政家不患乎不富而患無禮政以節民民和則親上而國用足矣禮以正倫倫序得則衆志一家合為一而不富者未之有也

右第十二章

學古而不達當世之事鄙木之士也通乎事變而不本於道術權詐之士也鄙木者不足用權詐者不可用而善悅人及其失也木愈於詐聞以權詐亡國矣未聞鄙木者之僨事也故君子尚朴而不尚華與其詐也寧木

右第十三章

仕之道三誠以格君正以持身仁以恤民而不以利祿撓乎中一存乎利祿則凡所為者皆徇乎人徇人者失其天失天而得人愈貴而猶賤也

右第十四章

柔仁者有後剛暴者難繼仁者陽之屬天之道也生之類也暴者陰之屬地之道也殺之類也好生者祥好殺者殃天行也



右第十五章

為家以正倫理。別內外為本。以尊祖睦族為先。以勉學修身為教。以樹藝蓄牧為常。守以節儉。行以慈讓。足已而濟人。習禮而畏法。亦可以寡過矣。

右第十六章

禮本於人情。以制人情。況則拘越則肆。折衷焉斯可已。古之庶人。祭不及祖。漢以下及三世。非越也。人情所不能已也。古過於薄。今過於厚。則從於厚。今過於薄。不若古之義。則惟古是從。禮近於厚。雖非古。猶古也。

右第十七章

古禮之亡也。人不知事親之道。今喪禮朝夕奠之儀。其事生之常禮乎。孔子曰。至於犬馬。皆能有養。不敬何以別乎。噫。行者鮮矣。

右第十八章

三年之喪。自中出者也。非強乎人也。因其心之不安。莞簟也。故枕函寢苦。因其心之不甘於肥厚也。故啜粟飲水。因其不忍佚樂也。故居外次。不聞樂。豈制於禮而不為哉。情之不能止也。今世之能喪者寡矣。飲食居處如平時。談笑容服無所更變。古之戮民與欲正天下之俗。非始諸此夫安始。



右第十九章

君子事親以誠。緣情以禮。知其無益而偽為之非誠也。惑異教而與冥福者非偽乎。聖賢所不言而不合乎道者非禮也。化乎異端而奉其教者豈禮也哉。事不由禮者夷也。夷者夷之。死不祔乎祖。

右第二十章

孝子之愛親無所不至也。生欲其壽。死可以養生者皆尽心焉。死欲其傳。凡可以昭揚後世者。復不敢忽焉。養有不及。謂之死其親。沒而不傳道之。謂之物其親。斯二者罪也。物之尤罪也。是以孝子修德修行。以令聞加乎祖考。守職立功。以顯號遺乎祖考。稱其善。屬諸人而薦舉之。俾久而不忘。遠而有光。今之人不然。豐於無用之費。而嗇於顯親之禮。以妄自誑。而不以學自勉。不孝莫大焉。

右第二十一章

國之本臣是也。家之本子孫是也。忠信禮讓。根於性。化於習。欲其子孫之善。而不知教。是自棄其家也。

右第二十二章

為子孫者。欲其慤。不欲其侈。欲其循。不欲其頌。然循者善之徒。頌者惡之符。

右第二十三章



士不可以不知命。人之所志無窮，而所得有涯者，命也。使智而可得富貴，則孔孟南面矣。使德而可以致福遠禍，則姜里匡人之厄無從至矣。使君子必為人所尊，則賢者無不遇矣。命不與人謀也。久矣安之，故常有餘。遠之，故常不足。

右第二十四章

處俗而不忤者，其和乎。其弊也流而無立，持身而不撓者，其介乎。其弊也厲而多過，介以植其內，和以應乎外，斯庶矣乎。

右第二十五章

非義之利，腊毒可喜之事，藏悔易悅之人，難近。方全之舉，多怨。君子知其然，功苟可成，不沮於怨也。人果不可近，不受其悅也。事之適意，必思其艱，利之可取，先慮其患，故名立而身完也。

右第二十六章

一年之勞，為數十年之利。十年之勞，為數百年之利。君子為之，君子之為利，利人。小人之為利，利己。

右第二十七章

君子有四貴：學貴要，慮貴遠，信貴篤，行貴果。

右第二十八章

好義如飲食，畏利如蛇虺。居官如居家，愛民如愛身者，其



惟貞惠公乎釋書而為治而政無不習也去位而處野而色未嘗異也是以不才自名而才者莫能及不以道自任而君子推焉世俗之學豈足以窺之乎

右第二十九章

儒者之學其至聖人也其用王道也周公沒而其用不行世主視儒也藝之而已矣嗚呼孰謂文武周公而不若商君乎

右第三十章

人或可以不食也而不可以不學也不食則死則已不學而生則入于禽獸而不知也與其禽獸也寧死

右第三十一章

待人而知者非自得也待物而貴者非至貴也

右第三十二章

不作于心合乎天足乎已及乎人而無容心焉其惟君子哉

右第三十三章

尚鬼之國多病好利之人多貧禍不可避也利不可求也有心於避禍者禍之所趨嗜利無厭者害必從之故君子信道而安命

右第三十四章



人之不幸莫過於自是恒若不足故足自以為足故不足  
甕盎易盈以其狹而拒也江海之深以其虛而受也虛已  
者進德之基

右第三十五章

政之弊也使天下尚法學之弊也使學者尚文國無善治  
世無聖賢二者害之也何尤乎人

右第三十六章

愛其子而不教猶為不愛也教而不以善猶為不教也有  
善言而不能行雖善無益也故語人以善者非難聞善而  
不懈者為難

右第三十七章

金玉犀貝非產於一國而聚於一家者以好而集也人誠  
好善、出於天下皆將為吾用奚必盡出於己哉智而自  
用不若聞善而服之德也才而自為不若任賢之速也

右第三十八章

家人箴 十五首有序

論治者常大天下而小一家然政行乎天下者世未嘗乏  
而教洽乎家人者自昔以為難豈小者固難而大者反易  
哉蓋骨肉之間恩勝而礼不行勢近而法莫奉自非有德  
而躬化發言制行有以信服乎人則其難誠有甚於治民



者是以聖人之道必察乎物理誠其念慮以正其心然後推之修身身既修矣然後推之齊家家既可齊而不優於為國與天下者無有也故家人者君子之所尽心而治天下之準也安可忽哉余病乎德無以刑乎家然念古之人自修有箴戒之義因為箴以攻己缺且與有志者共勉焉

### 正倫

人有常倫而汝不循斯為匪人天使之然而汝舍旃斯為悖天天乎汝棄人乎汝異曷不思耶天以汝為人而忍自絕為禽獸之歸耶

### 重祀

身烏乎生祖考之遺汝哺汝歡祖考之資此而可忘孰不可為尚嚴享祀式敬且時

### 謹禮

繼肆怠忽人喜其佚孰知佚者禍所自出率禮無愆人苦其難孰知難者所以為安嗟時之人惟佚之務尊卑無節上下失度謂禮為偽謂敬不足行悖理越倫卒取禍刑遜讓之性天實錫汝汝手汝足能俯與拜跪曷為自賊恣傲不恭人或不汝誅天寧汝容彼有國與民無禮猶敗矧予眇微奚恃弗戒由道在已豈誠難耶敬茲天秩以保室家



務學

無學之人謂學為可後苟為不學流為禽獸吾之所受上帝之責學以明之與天地通堯舜之仁顏孟之智聖賢盛德學焉則至矣學可以為聖賢侔天地而不學不免與禽獸同歸焉可未擇斯之乎噫

篤行

位不若人愧耻以求行不合道恬不加修汝德之涼僥倖高位祇為賤辱時汝之貴孝弟乎家義讓乎鄉使汝無位誰不汝減古人之學修己而已未至聖賢終身不止是以其道碩大光明化行邦國萬世作程汝曷弗效易自滿足

以求

裏

無以過人人寧汝服及今尚少不勇於為追其將老雖悔何追

自省

言恒患不能信行恒患不能善學恒患不能正慮恒患不能遠改過患不能勇臨事患不能辨制義患平巽懦御人患乎剛褊汝之所患豈特此耶夫焉可以不勉

絕私

厚己薄人固為自私厚人薄己亦匪其宜大公之道物我同視循道而行安有彼此親而宜惡愛之為偏踈而有善我何惡焉愛惡無他一裁以義加以絲毫則為人偽天之



恒理各有當然孰能無私忘己順天

崇畏

有所畏者其家必齊無所畏者必怠而睽嚴厥父兄相率以聽小大祇肅靡敢驕橫於道為順足致和始若難能其美實多人各自賢縱私殖利不一其心禍敗立至君子崇畏畏心畏天畏己有過畏人之言所畏者多故卒安肆小人不然終履憂畏汝今奚擇以保其身無謂無傷陷于小人

懲忿

人言相忤遽愠以怒汝之怒人被寧不惡惡能興禍怒實  
抑之當忿之發宜忍以思彼言誠當雖忤為益忤我何傷適見其直言而不當乃彼之狂而能容我道之光君子之怒審乎義理不深責人以厚處己故無怨惡身名不墮輕忿易忤小人之為人之所慕實在君子考其所由君子鮮矣言出乎汝烏可自為以道制欲毋縱汝私

戒惰

惟古之人既為聖賢猶不敢息嗟今之人安於卑陋自以為德尊其學肆其行日月邁矣將何成名昔有未至人閔汝少壯不自強忽其既老嗚呼汝乎進乎止乎天實望汝云何而忍無聞以沒齒乎



審聽

聽言之法平心易氣既究其詳當察其意善也吾從否也  
舍之勿輕於信勿逆於疑近習小夫閨閣嬖女為諂為佞  
類不足取不幸聽之為患實深宜力拒絕杜其邪心世之  
昏庸多惑乎此人告以善反謂非是家國之亡匪天伊人  
尚審爾聽以正厥身

謹習

利卑趨高歲月劬勞習乎汗下不日而化惟重惟默守身  
之則惟詐惟佻致患之招嗟小人以患為美側媚傾邪  
矯飾誕詭告以禮義謂人已欺安於不善莫覓其非彼之  
不善為徒孔多惧其化汝不慎如何

擇術

古之為家者汲於禮義禮義可求而得守之無不利也  
今之為家者汲於財利求未必得而有之不足恃也舍  
可得而不求求其不足恃者而以不得為憂咄嗟乎若人  
吾於汝也奚尤

慮遠

無先己私而後天下之慮無重外物而忘天爵之貴無以  
耳目之娛而為心腹之憂無苟一時之安而招終身之累  
難操而易縱者情也難完而易毀者名也貧賤而不可無



者志節之貞也。富貴而不可有者，意氣之盈也。

慎言

義所當出，默也。為失，非所宜言也。為愆，失矣。自不學所致，二者孰得。寧過於默，聖於鄉鄰。言若不能，作法萬年。世守為經，多言違道。適貽身害，不忍須臾。為禍為敗，莫大之惡。一語可成，小忿不思。罪如丘陵，造怨與我。招尤速咎，為之端。鮮不自口，是以吉人必寡其辭。捷給便佞，鄙夫之為。汝今欲言，先質乎理。於理或乖，慎勿落齒。當言則發，無縱詭譎。匪善曷陳，匪義曷謀。善言取辱，則非汝羞。

學箴九首有序

昔之為學者，經無恒說，師無恒道。隨其意之所向，而欲自達於古，為功勞而成效。豈非公今之世異乎此遠矣。經出於一家之言，而道繫於聖賢之中。苟務學焉，宜無不至。而人才之難反，有甚於昔者。豈非不得其方也哉。作九箴以自省，且以戒人。

擇好

不好而學，勞而罔獲，不愆。而好曷底乎道。或好其迹，或好其辭，匪不能好。其好者里，三千之徒，莫非奇士。聖云好學，惟顏氏子俯仰自得，泊乎無言。彼豈區區急於有聞，嗟尔奚為，以名自累。名也可懷，顏亦可媿。

部一作堂

勿一作并



真習

以身範俗者聖賢之志不化於俗者中人之資與俗推移  
匪愚則何古之為學所以行道通則為汙介則為矯較其  
所近介愈於通矣已雖殊違道則同夷群混世欲與道俱  
慎汝忽焉小人之趨余茲戒汝篤慎厥守不有古人可師  
與友聖則汝師賢尚友之彼亦何人汝寧弗思

明義

明於義者於利也輕授之天下不以為榮苟為所移皆可  
欲者快意陳前身亦可舍一念之動一髮之間相去幾何  
為陵為淵勿以其微始曰可受微之不察大者何有聖有

始一作殆

舍

行

伊尹放主於桐海內帖然服其至公人見遺錢縱自私睨  
市兒抵掌嘗其貪利夫獨何道舉世不疑心無所利曰汝  
信之惟利之喻害二而躬仁義之報博乎無窮擇義在我  
聖亦可企勿謂古之人吾不敢至

辨疑

不善學之人不能有疑謂古皆是曲為之辭過乎智者疑  
端百出詆呵前古撫其遺失學匪疑不明而疑惡乎鑿疑  
而能辨斯為善學勿以古皆然或有非是勿負汝能言人  
或勝汝忘彼忘我忘古與今道充天地將在汝心

虛受



中之虛取善於人沛然有餘實其內自以為至人不汝基  
天下之善天下同之汝不自私孰匪汝師一夫之識其復  
能幾奈尔不思貴已賤彼舜禹之聖猶取人言汝曷不然  
汝豈誠賢

知要

何以治己何以治人聖承賢繼何革何因為學不難知要  
為貴識其大端勉焉可至不察其本而玩其華窮竒極博  
於道何加聖賢之學皆以用世不宜於行斯為一藝天之  
畀汝靡有不全汝忍狹之不畏于天

篤信

命輪人為弓強之不從俾鼎人為瓦迫之不可工守其業  
猶不以利移舍古徇今可以士為仁義吾內爵祿其外內  
為外屈失其天貴蹈道自我夫豈由人不求合於世斯為  
天民

慎獨

人或可欺天實汝司人不汝窺汝心自知噫存心如事天  
為敬之基

篤行

中人慕道如童贊日知其為明不知其質日不可逆道非  
日比擴而行之在我而已一身非微天下非大勢有屈伸



道無隆隘勿敏於言而怠於行維恒若不足以底于成

四憂箴有序

孔子之聖不待勉而成然恐夫德不修學不講義不即徒過不能改則引以為己憂今人之質不足幾聖人也決矣而未見有以四者為憂者其卒歸於愚也奚恠焉余惧為愚之歸也箴其闕以自勉

修德

古人言學修其在己已無所得猶不學爾惟德之務必勉於為譬諸飲食必飽為期方其已飽不憂其餒無以繼之餒可立待是以賢哲務德是修行以終身恒以為憂一事

之成一行之蹈豈云匪德貴乎彌邵知不逮舜仁不逮堯曰伊曰周德音孔昭彼與吾同作則萬世獨為凡民寧不有愧克之俾崇擴之俾洪主敬力行不息其功成無為能盈無為足聖之不如而汝自局汝不是思汝年日加暨其已晚汝憂則那

講學

聖於萬理皎若日月不資修治洞見毫髮猶必講學以辨是非嗟今之人乃謂有知性命之微政教之大遠徹古今廣溢覆載孰可自淑孰可及民損益弛張奚後奚先汝之不講粉飾掩護事變臨前左右失措古君子為學要而不



華任之天下。如治其家。感矣。今之人。以華為貴。空言自誑。道則不至。咨汝講學。大本是求。勿狹以陋。勿駁以浮。心與道俱。鬼神與謀。憂己之不逮。後則無憂。

徒義

聞所當為。奮決不疑。馳移電馳。是謂勇於自治。知其為義。可否進退。怯於為善。陷溺也。易。聖賢雖大。惟勇可成。勿安於非義。謂吾不能。義不即徙。聖猶憂之。汝不憂乎。忍自絕於善。而甘為小人之儔乎。

改過

昔為不善。今悟其愆。能立改之。不失為賢。言曰。既出事。曰。既往。懲創不嚴。其惡日長。理欲之際。義利之間。精察其幾。勿就所安。折其始萌。竟於將奔。盪靡翳昏。存其昭晰。作聖之學。必謹自茲。顏子不貳。為萬世師。勿恃能改。無過為貴。以有過為憂。顏樂可致。

克畏箴

於皇上帝。降衷于人。五性統心。宰制此身。如國之君。如兵之帥。百職萬夫。區敢乖悖。稟氣或偏。梏其天明。外與物交。私欲乃萌。淫哇誘耳。靡曼眩目。言發於躁。形動於欲。或亂以酒。或肆以狂。詭隨為柔。狠虐為剛。顛倒謬迷。本違其正。敗類賊倫。斲喪天性。當其方昏。恬謂宜然。中夜靜思。夫豈



吾天迺奮而悲，亟改前轍，過於橫流，撲於始矣。若去蠱賊，若戡姦克，鼓勇直前，不留寸蹤，扶彼陰靈，洗滌日月，秉禮持敬，作我斧鉞，孤光既回，萬類復初，思前之為，陷於罟罟，愚今幸克之，敢弗戒，懼操存稍怠，恐其逸去，屋漏之闇，對越有嚴，一念之微，鬼神降監，勿安所安，勿嗜所嗜，易失惟言，難成惟事，圖巨於細，履坦若巖，跬步或差，萬馬莫追，內謹其幾，外防其誘，盤盂機宰，衽席師保，可畏在心，豈彼蒼心之操，縱身與存亡表裏，交修本末一致，作聖之基，故戒勿墜。

勵志箴

天賦純命，赫々皇々，肆人受之，厥質非常，或柔或剛，或粹或麗，惟上聖允臧，為民之綱，天命上聖，綱紀人極，肖天之能，克有成德，舜之為猷，動之為則，播為嘉言，時靡瑕忒，如陶如冶，如春如秋，如元氣之運，如江河之流，民咸仰之，莫覲厥由，奉民于大中，佐天洪休，昔在堯舜，邁烈百王，亦有湯武，易亂以康，弼其令謨，惟群哲有光，翕萃駿昌，道以大行，周德衰止，玄聖以作，以言為政，以詔以覈，其德天地，其用粟帛，妙乎無方，於廓景鑠，相在後君子，孰不是儀，永言千古，疇克類之，有扶而崇，有淪而卑，有閑于事，而本則遺，惟昔炎宗，天擴其部，篤生俊哲，旁魄先後，導流于源，擇苗

粹一作粗

帝德  
禮文  
相如  
被



于莠用為飲食作為師保穰者舒擅於中區壁彼夏屋  
既構既除曾是弗居困踣路衢慨懷古昔慚愧交如閔予  
微陋夙賣顛魯父師之訓纘引先緒昭哉先子靖恭好古  
匪仁弗服匪礼弗虔爰求懿德以淑後生秩秩嘉謨泯泯  
德馨何惑不法何昧不明歟之毫芒散周八紘予實不類  
聞善鮮蹈眩瞽干華罔臻厥奧持循不武過慝莫告惟息  
荒之懷是用不得其要惟日惟月則弗我舍聖功能遐曾  
弗我屆童也植志壯也則懈內愧於心若庸業于童在昔  
多士倬爾早成一間庶幾揚聖之庭長沙博志諸葛挺英  
皆夙造乎道為世準程予企焉是望若或可及退省于中

莫之能立中夜以興攬衣涕泣若鴻鵠在樹靡所止集視  
彼瀾水其流湜湜未抵于海尚莫能息道雖云遠有志則  
獲心膂方強焉敢不力誠以為幹敬以為植義以為路礼  
以為城俾內無擾而外慕不萌統乎天君百志惟明孤幼  
則遠水盈則衍溝澮之溢所及則淺伯禹之績公早之典  
豈伊匪人德劬於勉一体之虧愧不逮人眾德之地覆謂  
宜然謂汝弗知亦既能言知而弗念云誰之愆嗟予小子  
矢自今始匪口之言惟足之履成巨於微涉遐于迹群哲  
在上用循于前軌

毀譽箴

子一作人



余嗜道頗久，聞微之毀譽，而喜怒之心未忘，竊為物所動也。作毀譽箴箴曰：

人之譽汝，戒汝勿喜；汝喜而驕，汝德日圯。人之毀汝，戒汝勿怒；汝怒而爭，人將汝惡，圯為愚基。惡為禍階，內削外戕。存者幾何？古之君子，孝以為己，聞人之言，審已而已。是也。吾師否也，吾欺過則在彼，喜怒何為？無知之人，中法不足，以人之言為己，寵辱人言萬端，孰可詰徵？苟信不備，負汝之生。汝自今後，吾告尔法，棄汝耳目，惟心是察。耳目者，人心通乎天，天而謂然，汝何憾焉。

擇交箴

捷捷而趨，諾諾而隨，面則尔諛，背則尔非。默而方閤，而正貌不尔是心，則尔敬。苟信其外，不察其中，君子之失，小人之從，友彼小人，如飲鴆酒，入口雖甘，毒則在後。与君子朋，螫舌逆情，始為難堪，輔尔于成，有妄人者，二者之間，援仁襲義，以訐以訕，求其所為，汙穢莫測，是為務名。惟尔之賊，交際孔艱，厥狀萬端，直為尔傲，順謂尔奸，傲德之凶，奸德之回，不回不凶，惟道是諧，無求人合，而合于天人，合一時，天合萬年。

箴四首

無以過人者，衆人之流，而求異於人者，又君子之所不取。



也。然則將何所從哉？合乎天，不合乎人，同乎道，不同乎時。雖不求異於人，而過人也遠矣。余病乎未能而學焉，欲自至。近者始作箴以自勸。

口箴

不宜言而言，是佞之從；宜言而不言，是愚之符。佞為檢人，愚為鄙夫。宜言而言，人誰汝惡？宜默而默，人誰汝怒？我言以道，彼惡何傷？我默以義，彼怒彼狂。惟道之從，勿徇乎人。徇人違道，與愚佞均。天之生尔，將以明道。狂波墜緒，汝障汝紹。勿肆於冥，合乎大中。惟翼聖之經。

身箴

人之營之，汝則疑之；人之愔之，汝則安之。相彼君子，如獄如河。小人輕儇，如鼠如蛾。嗟時之人，蛾鼠是效。不死于機，卒殺于燎。嶽以靜壽，河以廣容。式其深崇，以鎮于家邦。

食箴

凡民之生，食必有事。徒食不事，惟犬豕類。犬以禦盜，豕以供祀。人之無益，非二物比。羨貌長軀，號名為儒。智出物下，孰云非愚。我告汝訓，臨食必思。而無媿，汝則食之。汝業不修，汝德不益。汝心有媿，雖餒勿食。汝學汝仕，推是無遺。思而有得，力見於為。功施天下，萬鍾非奢。無德於人，瓢粟猶多。汝思而食，省于斯言。誰謂道遠，將得其門。



寢箴

聖哲之寢心亦有思，而為善厥德沛如彼，關之思在乎利欲長惡滋凶，惟日不足，周公待旦，大猷以成，跣起鷄鳴，死以盜稱，其思則同，其績曷殊，中夕不寐，撫心以圖。

九箴有序

臣以迂陋過承睿知，茲者考文還自京師，敬奉教令，侍世子殿下講學，伏觀世子殿下天性高明，學業超卓，顧臣何能有裨萬一，竊惟古人忠愛乎君者，必有箴戒之辭，臣無似，敢取聖賢之意，作箴九首，以獻講讀之暇，倘賜覽觀，或可為懋德之一助，臣不任惶恐之至。

敬天

人之有生，受命于天，動作起居，奉以周旋，苟或弗敬，是慢天理，既違天常，亦紊人紀，是以聖哲祇慎小心，事無鉅細，罔有不欽，逸欲靡存，怠肆靡作，順天而行，俯仰無忤，純乎天德，與聖為徒，保國撫民，可不敬夫。

守訓

聖皇有訓，傳之萬年，惟克慎守，乃為仁賢，制度有常，尊卑有叙，愛親忠君，此民礼士，大而治國，近之修身，孰為之綱，在敬與勤，敬則心明，力理不昧，勤則身泰，所為無怠，精思篤行，大訓是循，能循聖道，是為賢君。



本孝

身乎奚自實本乎親惟能尽孝斯可成仁况為有國神民是主至德無虧庶政以舉温顏抑氣先意承歡膳宰視食司衣問寒未言而畏不怒而恐志靡自專事無妄動正躬謹行非礼不由君親既安心乃無憂惟古之王事父尽孝著於礼經萬世是效儲王睿哲尚其師之勿謂聖人我不敢為

正學

古學務實體立用隨始諸身心驗於設施後世失之攻乎文藝觀聽是娛道德是棄王者之學以古為師窮理正心

後漢東平憲王  
蒼曰為善最樂

世說曰魏文帝  
命東河王七弟  
作詩命在善  
者詩曰東河  
即陳思王曹植  
田封

固守勇為法堯為仁法舜尽孝視民如傷文王是效簡冊所陳善政嘉猷取之自治奚暇外求聖賢立教要而不煩昧者溺心疲弊空言漢之賢王東問平東稱最篤行為善垂範百世魏有陳思徒事文章德業無傳識者弗減聖明御世好善崇德鑒乎成憲永康邦國

推仁

天地之德廣厚無垠故以一言莫過乎仁萬生芸芸天孰不愛爰命人君天工是代圓顛方趾其本異形苟揆厥初皆若同生聖人之心博施濟眾一夫失所如抱疾痛燠念民寒飽思民飢已享安逸恐民之疲不奪其時不盡其力

抱



開其昏愚，賑其灾厄，衆庶樂業，國乃富強。上不恤下，非禮之常。湯、大藩，哲王所受，世萬至仁，千載是守。

### 謹禮

人情難制，譬之河江，禮以正俗，爰立大防。上而朝廷，下逮閭里，自身及家，莫不有禮。君臣以定，父子以親，夫婦昆弟，舉得其倫。大法既昭，衆志咸一，綱紀相維，名分有秩。禮之為治，折於未萌，不能謹禮，刑措奚能。賢哲知本，檢身克己，言動之微，履繩蹈矩，以此使臣，必效其忠。以此臨民，必致其恭。為國以禮，聖有明訓，敬德罔愆，永垂令聞。

### 崇儉

天地生財，以養庶民，宰制其柄，在乎人君。節已厚人，不專其利，崇儉黜欲，邦國乃裕。苟恃富侈，奢泰是夸，既損令德，民用咨嗟。明之聖皇，以儉率下，尚朴懲奢，天下從化。囊惟革履，史策見褒，象筋玉杯，賢臣所憂。得失之原，勸戒罔極，千古為鑒，慎乃儉德。

### 無逸

天德剛健，不已于行，日月旋運，無息故明。人處兩間，烏可放逸，耽樂是從，憂所自出。舜禹至聖，尚戒慢遊，日昃不遑，西伯與周，古有格言。燕安鴆毒，汲汲為善，猶恐不足。人之有心，易縱難收，必學古道，乃可自修。目視簡編，心惟臬旨。



匪賢弗親，匪善弗履。造次無失，寤寐靡忘。日求至樂，罔或怠荒。觀省往行，為法為戒。察理既精，勇為不懈。忠孝仁義，日勉行之。充乎德業，發乎文辭。勤政之基，由此而積。敬于庶事，日新不息。

### 慮遠

處乎尊位，宜遠其謀。其遠伊何，千載九州常人所知。止乎旦夕，聊樂一時。不知憂戚，苟安一己。慮不及人，寧謂天下皆切吾身。聖哲存心，廣大周悉。慮無不至，念無不極。正身立德，以格後昆。作範垂憲，澤被無垠。警畏憂勤，無或怠肆。天下後世，終蒙其利。

### 慎齋箴

有序

人之持身立事，常成於慎而敗於縱。猶之火一燎而不可收，慎猶之奉盈，心存於敬而兢，弗忘則不至于顛覆。故君子惟慎之為貴。里人王君仲臧嘗病，夫人以縱取敗，懲其失，名其室曰慎齋。余聞而喜其志，欲其久而不懈也。箴以告之。

箴曰

縱轡以馳，忽而不思。康莊險巇，惟惕惟慄。虞其遺失，履坎而佚。惑乎世之人，以肆為可常。怠不知檢，率取危亡。汝放於言，孰之信。不慎於行，孰汝之順。言為德符，行為德機。二者不慎，于悖之歸。有堯齋居，以慎作則。匪嘉厥名，將飭



爾德欲言而思勿爽於宜勿為詭誕以啓厲階將行而思必由乎義勿人之後惟天是畏天之昭々靡幽不臨遊鑿汝体息鑿汝心由粗而精由微而鉅敬慎無愆昂哉君子

處其空其空曰無齊余則而事其志於其人而不聯也  
始哉于斯則之而貴里八王哉如斯則其入及樂和規  
下地則辭之權處以存於斯而後以弗以限不事于顯露  
入之林林立聖德以故其法規於斯之德之火一舉而示

則亦獻



110X  
134  
16